

# Sipitang bakal nikmati pembangunan hasil pelaburan Petronas

NSR 14/1/2011 2

WESTON: Ribuan penduduk Sipitang bakal menikmati pembangunan infrastruktur yang memberangsangkan dengan kehadiran Petronas yang akan melabur projek bernilai RM4.5 bilion awal tahun depan.

Anggota Parlimen Sipitang Datuk Sapawi Ahmad berkata ini termasuk projek pembinaan jalan raya, penyambungan bekalan elektrik dan bekalan air di kawasan itu.

Mengikut perancangan, Petronas melalui Petronas Chemicals Group Bhd (PCG) akan membina sebuah kompleks kilang baja bertaraf dunia di daerah itu, dan projek yang dikenali sebagai SAMUR itu akan mula dibina pada suku kedua tahun depan dan dijangka beroperasi pada tahun 2015.

"Saya yakin dengan kehadi-

ran projek Petronas ini, penduduk Sipitang akan memperolehi manfaat daripadanya terutama pembangunan infrastruktur," katanya semasa berucap pada majlis pemimpin bersama rakyat di sini kelmarin.

Pada majlis itu, Sapawi turut menyaksikan program penyerahan anak angkat memabitkan 86 mahasiswa dan mahasiswi Universiti Malaysia Sabah (UMS) kepada keluarga angkat masing-masing yang terdiri daripada penduduk Pekan Weston sendiri.

Beliau berharap kehadiran penuntut untuk membuat penyelidikan itu dapat membantu memantapkan transformasi pelan pembangunan ekopelancongan di kawasan itu.

- Bernama